

KERWEREDD 2000



vorgetragen von Kerweborsch Daniel Heinz

Ich grieb eich ehr Kinner, ehr Fraue un Männer, sowie alle Hepprummer, Sunnebescher un oannern Ausländer. Ich begriebe nooch oalde Tradition Kerwekeenischin Sabine Gremm, Jutta Schuster un Katharina Meon Moi zwaa Kerweborsch Boris un Froanz Petermoann. Do stäihn se, wie jeder säje koann. De erscht Kerweborsch ehrenoamtlich Daniel Heinz un des bin ich. Meer häwwe alles organisiert un vorbereitet, daß ehr eich wohlfiehl, ehr liewe Leit. Loasst eich die gute Loune net verdärwe Un feiert mit uns heit die Brennesselkerwe. Erscht ich emoal oaner trinke du. Baßt uff un häjert gut zu. Jetzt foang ich ou mit de Kerweredd. Baßt uff, moancher gritt heit soi Fett. Wocheloang hot die GEZ kontrolliert Un etliche Schwarzheerer uff-gschpiert. Die häwwe erscht dumm geguckt, doann häwwe se die Verwarnung gschluckt. Häwwe geguckt, wie form Schaierdoor de Ochs, doch oans debei war paradox. Des war net blouß schwarz-seherei, noa, roure warn aa debei. Jetzt wißt ehr Bescheid. Proßt ehr Leit. Zum Oktowerfescht warn letscht oacht Leit Nooch Münche waar's e bissel weit. Die wollte emoal ordentlich oaner druffmache. Die Gschicht war jo zum Lache. Ob 11 Uhr war in de Disco nix mäj. Do wollte-se noch zum esse gäih. Wie se doann gschtillt ghatt ehrn Hunger Is oaner weggoange un is nimmäj kumme. Sie häwwen iwweeroal gsucht, aa uff-em Klo, doch där war oafach nimmäj do. Die häwwe gschennt, des is doch koa Art, sie häwwe gewart un gewart. Schließlich häwwe-se die letscht Stroaßeboahn genumme. Do sähn-se, wie er groad gerennt is kumme. Trotzdem horre bei soim schnelle Renne, nimmäj uff die Stroaßeboahn uffspringe kenne. Er is also hinne-nooch gerennt, doch daß die links oabbiegt horre verpennt un is groadaus weirergerennt. Un weil er vum veele Bier net goanz klar, horre iwwehaupt nimmäj gewißt, wu-re war. Er hot sich zu helfe gewißt, vun wäje, freegt noachts um drei en Münchner: "Häwwe Sie de Michi gsäjhe?" Im Quartier häwwe ihn soi Kumpel immer noch vermißt, doch der hott's Hotel gsucht, hots äwwer nimmäj gewißt, is rumge-ärret, wie im Troam un denkt, ich nemm e Taxi un fahr hoam. Is zäje Moal ums Haus rumgeloffe, hot's nimmäj gekennt, sou war der besoffe. Doann is er endlich hoamkumme, war klatschnass, des war alles oannere, wie en Spaß. Der hot noch grouß Glick ghatt, hot gsoacht: "Sou schnell griecht mich koaner mäj in die Stadt. Dem iss-es beinoah goange, wie dem Ourewäller Bauer, des war aa oaner vun de goanz Schlaue. Hott in de Stroaßeboahn geläse: "Linke Hand am linken Griff." Hott gedenkt, des is blouß en

faule Kniff. Hott getraut, hot genumme die recht Hoand Un is beim Oabspringe mim Hinnerkopp in de Gailsknoddel geloand. Der Schaffner rief: "Warum häwwe se doann net die link Hoand genumme?" Do säischt der: "Woann ich des gemoacht heed, weer ich genaa mim Gsicht noikumme!" Un die Moral von däre Gschicht: Bleib im Loand un nähr dich von Rettisch. Die Gschicht is jetzt fertisch. Prost! Oaner hot mit soim Kollesch e bissel veel getrunke, sou daß er beinoah vum Stuhl is runner-gsunke. Is doann mit soim Kumpel zum C & A, wollt sich kaafe en lärrene Tanga. Die Verkäuferin säischt: "Sinn se net rischdisch im Kopp? Des gibt's bei uns net, do misse-se in Sex-Shop." Schließlich is-er in en Loare noi, hot sich en Stofftanga kaaft vun Playboy. Doann sin die zwaa, meer glaabts koum In die Discothek zum Apfelbaum. Wie se rauskumme sin, war's Auto weg, es stand net mäj oam selwe Fleck. Es hot sich selbständig gemoacht un is oanere Mauer geloand, nimmäj ou-sprunge, die zwaa warn außer Roand und Boand. Weil er die Hoandbrems hot ouzuziege vergesse, häwwe se den Karsch aa noch ouschiewe misse. Äwwer er is oafach nimmäj ougeloffe, doann des Auto war aa oabgsoffe. Des hott denne goanz schee gschtunke. Jetzt wärd erscht-emoal oaner getrunke. En oannern war aa koan kloane Dumme, hot zum Toanke statt Diesel Wasser genumme, is mim Bulldogg nuff uff die Häih, do bleibt der Drecksarsch plötzlich stäih. Der hot koan Bibser mäih geduu, de Fahrer stäiht un guckt dumm dezu. Ja des heed me wisse misse, daß me den Bulldogg heed rischdisch fiddern misse. Waas der net, orre horres vergesse, daß Kieh aa koa Frikadelle fresse.

Uulengscht waarn do zwaa Dolle, die häwwe zusoamme e Flasch Woi trinke wolle. Dodebei gaab's e grouß Problem, doann die Sachlag war extrem. Der oa war oan de Hoand verletzt, hott sich uff de Stuhl hie-gsetzt un die Flasch zwische die Boah gepetzt. Doann is de Oanner mit de Kricke kumme, hott de Stobbezieher genumme, er war aa nimmäj goanz jung, doch soi Hoand war noch in Ordnung. Doann häwwe die zwaa, es is net geloche, där mit de Kricke oam Stobbezieher gezoche. Zwoanzisch Minudde häwwe se hie und här gezärnt. Do horre gsoht: "Sou e Blamaasch, a leck mich doch - loass me moi Ruh. Doann is de hoandverletzt in de Keller nunne, do horre noch zwaa Flasche Bier gfunne. Die häwwe se doann oiträschtisch getrunke, doch die Sach die hott ne gschtunke. Bier is aa gut, muß me wisse, außerdem koann me do-druff besser - a woas eehr denkt, des is weit gfeehlt -. Jetzt wärd erscht-emoal die Gorgel geeht. Do wollt oaner im Hiewener Herbscht mache, hot zoamme-gsucht, soi siwwe Sache. Zu esse Brot, Riwwelkuche un Worscht, e Flasch voll Woi for de Dorscht. Alles horre schee ins Auto noi, Brot, Worscht und Woi. Des goanze Esse, blouß de Riwwelkuche horre vergesse. Des war jo groad die Hauptsach, denn horre gschtell uff's Autodach. Doann sinn se mim Auto de Hiewener naus, koum warn se im Hiewener owwedraus, do fengt der ou zu fluche: "Wu is doann na de Riwwelkuche? Nirgends is der im Auto zu finne. Vonne net un aa net hinne. Die Fraa hot gsoht: "Du bischt schuld!" Do reißt dem Moann doch die Geduld. "Ich waas goanz genaa, ich häwwen mitgenumme. For woas hellsch-den mich, for en Dumme?" Inzwische hot e Fraa oam Hiewener drunne, den Riwwelkuche mädde

uff de Gass gfunne. Groad in dem Moment aa schon Kimmt vun dem Elternpaar de Sohn. Die Fraa säischt: "Da Bu, nimm aijern Küche mit, daß de woas zu esse gritt." Der hott en stillschweigend ins Auto geduu, äwwe do war noch loang koa Ruh. Wie-ses Esse aus-em Auto häwwe genumme, freegt die Modder: "Wie is doann der Riwwelkuche dohärkumme?" Doann is es wärrer lousgoange, de Dischput un de Streit. Doch woas die sich alles oan de Kopp gschmesse häwwe, do schweigt des Sängers Höflichkeit. Där hot sich hoald geärrt. Sou gäiht's hoald, woann me älter wärd. Doann woann me nimmäj sou goanz jung, rinkt me ee Gloas mäih, doann kimmt me in Schwung. Des wirkt bei jedem EhepaarUn bei meer aa. Prost!

Es is schwer, mojens um viere uffzustäih Un aa noch uff die Äwet zu gäih. Ins Auto noi, noch halb im Troam Sieht er uff de Stroaß, do laiht es Boam. Er hott glai die Feuerwehr informiert, die denke: "Was is doann do bassiert?" Die goanze Feuerwehrrkollesche schmeisst där aus-em Bett e-raus, Die nix wie schnell in die Erwis-gass naus, dort greischt der Alamierer, "Woas dudd ehr doann sou gaffe. Macht un dudd den Boam wegschaffel!" Oaner hot die Motorsäg genumme, sou en Dolle, doch die hot um's Verrecke net schneire wolle. Woas horre sich geploogt, bis oaner zu em gsoht: "A du Simbel bass doch uff, die Kett is jo verkehr rum druff." Der wu Alarm gäwwe hot, is doann hoamgfäägt, hot soi Säg gehollt un den Boam kloagsägt. Do häwwe die Feuerwehrmänner ewwer gschennt, ob er des heed net glei heed mache gekennt. "Du bischt jo im Kopp net goanz echt, schmeischt uns aus-em warme Nescht." Denn häwwe-se noch drei Woche verspott, weil soi Fraa oawens noch gfroagt hot: "Woas for'n Simbel hot doann mojens um fünfe schunn Holz gsägt?" Jetzt muß ich äwwer erscht-emoal moi Stimmbänder eeleun die Kapell will emoal oaner speele.

Zum Schluß e groußie Sauerei, eigentlich en Fall for die Polizei. Bekoannt is, daß fromme Christe In de Regel sin aa Idealiste. Do häwwe e paar Männer des Flurkreiz uff de Schoanz in die reihgemoacht. "E guures Werk" hott jeder gsoht. Häwwe mädde in Gottes scheene Welt En scheene Tisch un naije Benk hie-gschtellt. Oam Wechte-Hoiner uff de Häih drowwe, um dodemit den Schöpfer zu louwe. Do is doch sou en Hutsimbel kumme Un hott e Boank goanz oafach mitgenumme. Ich moan, des weer e starkes Stick, schreckt doann der Spitzbuh for nix zurick. Des wärd ehm koan Säje bringe, wu oannern Leit bä-re un singe. Es bescht weer, woann er se wärrer zurickbringe deed. Oines Doags isses for ehn sou speet. "Wer liegt, der stiehlt. Wer brennt, der senkt, der wärd oines Doags oan Galje gehängt." Do gibt sich oaner die gräischt Mieh, macht oam Ortsschild scheene Blumme hie. Ich häb moiner Aache net getraut, do hot oaner die goanze Priemel geklaut. Woas es net alles gibt, meer solls net glaawe, dem gehäijert mit Brennessel de nackische Arsch gehaawe. Des wars for heit, es war alles woahr. Woann de me nix mäih glaabt, doann schwindel ich eich nix mäih vor. Des kennt-ehr mehr wärklich glaawe, schunscht grieh ich aa noch de Aa - es loangt for heit.

Drum wünsch ich eich, ehr liewe Leit Juwel, Truwel, Heiterkeit. Bei Weck, Woi un

Worscht. Des wünsch eich eier Kerweborsch. Die Kapell speelt jetzt, wie de
Froanke-Nickelaus darzumal, des Lied vum scheene Rousental.